

修行道教雖准於六時玄酒大羹禮必周於  
三獻顧惟塵懷屢瀆天聰菲薦蘋蘩稽停儀  
衛伏念<sub>臣</sub>等學法未備犯科滋多舉措乖儀  
詞章脫略動罹罪咎感乞赦原惟冀

上界高真各還瑤闕下方列聖盡返仙曹降

福流恩解災度厄諸天復位寂遺響於倏歛

之間太極候烟保胎氣於延生之府<sub>臣</sub>等疑

瞻法從結想太空極恨塵波難留聖躅<sub>臣</sub>與

齋官合壇眾等無任瞻望拜首天階奉辭

聖駕激切攀戀之至謹言

### 復爐

香官使者左右龍虎君侍香諸靈官當令<sub>臣</sub>  
向來設醮之所自然生金液丹碧芝英百靈  
眾真交會在此香火爐前當願十方仙童玉  
女接待蘭烟傳<sub>臣</sub>向來所啓之誠速達徑御

至真無極大道

昊天玉皇上帝<sub>御前</sub>

道門科範大全集卷之二十九

道門科範大全集卷之三十一  
三洞經錄弟子仲勵編  
傍四

### 誓火穰災說戒儀

法事陞壇如式

念淨天地呪

洒水 序立

高功臨案說戒

具位<sub>臣</sub>某等謹焚道香德香無爲清靜自然

真香虔誠奏啓

虛无自然元始天尊太上道君太上老君昊

天玉皇上帝九皇至尊十方上聖諸君丈人

三十六部尊經玄中大法師圓穹上象火德

熒惑星君鶻火鶻首鶻尾之次雍秦周洛楚

荆之分列宿星君厚地洞宮嶽瀆主宰三界

應感一切真靈咸望洪慈俯垂洞鑒<sub>臣</sub>今奉

爲宣意其諸情悃已對敷宣諒沐

天恩鑒明祀事<sub>臣</sub>伏以夫南方火德熒惑星

君主掌萬物燭幽洞微福善禍淫助天行化

致之前代效驗灼然按前漢天文志云熒惑

出則大兵入則兵散還止息乃爲死喪寇亂

在其野亡地以戰則不勝孝景四年七月癸  
未入東井行陰道又以九月癸未入輿鬼戊  
寅日出占之曰爲誅伐火災其後有栗氏事  
未夫東闕災元鼎中守南斗占之曰所守爲  
亂賊喪兵其國絕祀南斗越分野其後相殺  
王及太后漢兵誅之滅其國前漢熒惑示現  
凡十七八莫非凶亂之起也後漢中元二年  
火星犯太微西南星爲將相後太尉司徒坐  
事免官永平十三年犯輿鬼爲大喪質星爲  
大臣誅戮後楚王英頽忠等妖謀事覺而死  
後漢熒惑示現凡二十餘莫非禍災之至也  
降自晉宋隋唐五代之間不可備錄此於行  
度之間變起在國者如此按五星明體經云  
熒惑照人命壽促貧窮順於命壽至五旬刑  
剋妻男多有障難照於疾厄刑折風勞遂在  
運官行年必死此於照臨之位災應在人者  
如此至於祝融回祿變現人世火自天降名  
之曰災因世人之罪惡貫盈則遭其禍秦起  
阿房宮覆壓三百餘里五步一樓十步一閣  
取之盡錙銖而用之如泥沙楚人一炬火三

月不滅此因人為所致也。縻竺嘗從洛陽乘車而歸，未至家見一婦人求寄載，臨別曰：「我是天人，使我焚東海縻竺家，今已寄君車，又不可不燒君，但速歸，我當緩來。」竺乃至家收資財以避之，至日中而火大發，此以警悟世人也。汝南桓景因費長房謂之曰：「九月九日汝家有火災，可速去，令家人各以絳囊盛茱萸，登高山飲菊花酒，禍乃可銷。」景如其言，舉家登高，少頃還見牛羊雞犬皆暴死焉。後人因而仍此有禳制之法也。漢桓帝於正旦大會羣臣，樂已合，酒望西南而嘆，帝問其故，答曰：「蜀有火災，故以救之。」遣使訪之，果云：「賴大雨從東北而來，雨中有酒氣，此有救解之術。」昔熒惑守心，屬宋之分野，景公憂之，乃出君人之言，三遂徙三度，劉琨守江陵，民家失火，琨乃向火叩頭，請罪，俄而反風滅之。此有回旋之道，夫禍福之來，皆人所召，天心仁愛，法許祈禳，今有奉道者，等同啓丹，誠修建，誓火禳災，道場命臣等宣行科範，請福禳災，保寧境土，建壇之初，倘非敘述醮事，敷演科戒，則

何以感格上靈，今當以臨壇十戒，宣示同齋之人，各請受持，咸當靜聽。

第一戒者不得擾亂形神，常懷專一，喜怒哀樂不萌於心，務致精明，以格上聖。

第二戒者不得做忽，聖真常懷恭敬，企仰尊像，心起精虔，天真大神，浮空降接。

第三戒者不得輕慢靈文，常懷信重，三洞經典，玩味誦持，從悟成真，求證道果。

第四戒者不得誹謗法門，常當敬護弘道，明法濟度，幽明各令歸依，廣獲受度。

第五戒者不得忤觸道場，常懷精潔，齋戒沐浴，始近法壇，臭穢腥血，無求取禍，雞狗禽畜，無使突來。

第六戒者不得放縱身心，呼叫罵詈，語笑謹詳，睡眠酣酒，昭事上真，如對君父。

第七戒者不得退轉道心，常懷堅固，勿因小嫌，便減誠意，精進崇奉，福利無窮。

第八戒者不得減省法事，常懷勤恪，行道誦經，朝真拜聖，使功德滿足，幽顯沾恩。

第九戒者不得錯悞章奏，常懷精審，若鹵莽

減裂不加參對，則三天門下有所謹却，圖福反禍，深可震懼。

第十戒者不得商較財利，常懷謙讓，施者受者，各得歡喜，無使怨恚，自損福田。

已上十戒，眾官能持否？答曰：能持。

天尊言：凡拜章行道，四天帝王，昏駕飛雲，綠鞞八景，玉輿侍從，真人玉女，手執華幡，前導鳳歌，後從天鈞，白鶴師子，嘯歌，鬘鬘燒香，散花，浮空而來，瞻禮行道，觀聽法音，天真下降，萬靈朝焉，如是豈可不盡其法，邪當先受十戒。然後行道，庠序雅步，靜心閑意，坐起卧息，不離儀格，天真歡悅，列名上清，可謂得道方寸之門。

謹白：齋官齋法，專嚴威禁，至重當須，掃洒庭宇，每令潔靜，約飭內外，大小肅靜，勿以常俗誼雜，干冒真靈。若有善信男女，願聞道法，沐浴齋潔，來詣法壇，瞻禮皈依，同沾福利，若傲誕輕慢，不信正真如是之者，必招冥譴，登齋之士，可不畏之。

結願 下壇

道門科範大全集卷之三十一

傳四

五

道門科範大全集卷之三十一

三洞經錄弟子仲勸編

普天樓災道場儀

啓壇行道

法事陞壇如式

各禮師存念如法

宣衛靈呪

東方

九炁青天 明星大神 煥照東鄉 洞映九門  
轉燭陽光 掃穢除氛 開明童子 號曰玄卿  
備衛我軒 上對帝君 收魔束妖 討捕兇孽  
奉承正道 赤書玉文 九天符命 攝龍驛傳  
普天安鎮 我得飛仙

南方

三炁丹天 煥景浮光 榮星轉燭 洞照太陽  
上有赤精 合契虛皇 開明靈童 號曰華房  
總統大兵 備守玉堂 斬邪束妖 剪截魔王  
北帝所承 風火莫當 流鈴交煥 翊衛壇場  
正道流行 敢有已狂 我專上功 坐運魁罡  
億劫長存 保天無疆

西方

七炁素天 太白流精 光耀金門 洞照太冥  
中有素皇 號曰帝靈 保神安鎮 衛我身形  
斷絕邪源 王道正明 官殿整肅 三景齊并  
道合自然 飛昇紫庭 靈寶符命 普惠萬生  
元皇正炁 來合我身 功加一切 天地咸寧

北方

五炁玄天 元始徘徊 辰星煥爛 光耀太微  
黑靈尊神 號曰層威 統冠飛天 仙裙羽衣  
備衛五門 檢精捕非 敢有干試 豁落斬摧  
玉符所告 神鎮八威 邪門閉塞 正道明開  
映照我身 三光同輝 策空駕浮 舉形仙飛

中央

一炁黃天 調理乾坤 陶鎔陰陽 總統玄真  
鎮星吐輝 流煥九天 開明童子 號曰天璚  
元炁陽精 焰上朱烟 洞照天下 及臣等身  
百邪摧落 殺鬼萬千 中山神呪 普天使然  
五靈安鎮 身飛上仙  
鳴法鼓二十四通  
無上三天玄元始三炁太上道君太上老君